

Transparency  
International tassaavoq  
nunarsuarmi peqquserlulluni ilua-  
naarniarnermut akiuisuni suliniaqatigiiffik  
annersaat. Suliniaqatigiiffik 100-nik sinnilinnik  
nunarsuarmi immikkoortortaqarfeqarpoq Berlini-  
milu allattoqarfeqarluni. Peqquserlulluni iluanaar-  
niarluni ajornartorsiutit pillugit uppernarsaallutalu  
eqqumaffigineqarnerulernissaa sulissutigaarput;  
naalagaaffiit, inuussutissarsiornermik suliallit  
inuiaqatigiillu suleqatigaagut peqquserlulluni  
iluanaarniarnermik akiuisunik aaqqis-  
suussanik atortuulersitiniarnermik  
suliaqarluta.

**UKIUMOORTUMIK NALUNAARUSIAQ 2022**

# SIULEQUT

Transparency International Greenland (TIG) 2011-mi sulusisunit, inatsisilerituunut ilisimatuunillu pilersinneqarnikuuvog. 2022-milu akuerisaqqilluni, tamannalu tulluusimaarutigeqaarput.

Nunarsuaq tamakkerlugu suliniaqatigiiffinnut, ataatsimut anguniakkatigut periusissamik suliaqarsimasunut, Holding Power to Account 2021-2030-mik taaguutilimmuit peqataavugut. Taanna tunuliaqutsiullugu KalaallitNunaanni 2021-2025-mut periusissiornikuuvugut.

Nunarsuup sinneranik suleqateqarnissarput pingaartipparput, misilitakkatsinnik nunat allat avitseqatigisarsinnaaniassagatsigit:

1. Nunanik Avannarlernik annertusisamik suleqateqarsinnaerput pingaarnersatut inissinnikuuarput. Islandimik immikkoortaqarfik immikkut ittumik suleqatiginnikusukkatta qullersaqarfiani allaffissornikkut pisortaat tikearatoralutigu suleqatigiinnerput aallarnernikuuarput.
2. Peqquserlunnermik akiuiniarlutik sullissisut ataatsimeersuarneranni peqataanikuuvugut, ukioq allortarlagu ingerlanneqartartumi. Siulersuisutsinni ilaasortagut marluk Washingtonimut peqataajartortinnikuuagut.

Taamaattumik aamma TIG avataaniik tikeraanik ataatsimeeqateqarnissaminut ammavoq, soorlu amabassadeqarfinni atorfiliitanik EU-minngaanneersunilluunniit.

Uagut maani immikkut soqutigisaraarput inuiaqatigiinni sutigut tamatigut akimut ersarissaanerup isumaata/sunniutaata sumiinnea maluginiarnissaa paasisaqarfinginissaalu. Taamaattumik TIG ukiup ingerlanerani oqallifinni peqatasarsimanermi saniatigut seminarqartuni ataatsimeeqatigiittuni saqqummiisarsimavoq.

Saqqumilaarusullata akimut ersarisaasariaqarneranillu oqarriautuilitut malugitikkusunnerput takutikussullugu ukiup ingerlanerani tusagassiuutitigut sammisanut oqaaseqaate-

qartarsimavugut. Taakkua saniatigut apeqgarissaarfingeqartarlatalu tusagassiuutitigut immersuuteqallattaasarnikuuvugut ataatsimut isigalugu qanoq peqquserluuteqarsimasut iliuseqarfingeqarsinnaanerannik tikkussisunik. Taakkulu saniatigut aammattaq TIG apeqgarissaarfingeqartarnikuovoq ilinniartunik nunatsinneersunik avataaneersunillu kiisalu tusagassortunit nuanit allaneersunik aamama taamannak.

Immikkut taasaqassagutta 2022-mi pingasut sulinitsinni initunikut uku taasinnaavagut.

1. Nordic Business Ethics akulikitsumik, Nunani Avannarlerni suliffeqarfinni ileqqorissaartoqarnissap tungaati-gut, misissueqqissaarnermik ingerlassaqartarpooq. TIG-p 2022-mi Kalaallit Nunaata taakkununnga ilaasarnissaa qulakkeerlugu angunikuuua.
2. Inatsisartuk Uktiaanerani ataatsimiinnerminni aalianger-nikuuat, inatsisissamik whistleblowerinut illersuutaa-sussamik, pilersitsinissamik aallarniiniarlutik. Tamanna immikkut pingaarutilimmik angusaqaataasutut taasariaavoq, suliallu malinnaaffiginssaa qilanaaraarput.
3. TIG-p anguniagaraa, Kalaallit Nunaata, FN-mi peqquserluttnermut isumaqatigiissusiaanut, ilanngunissaa. Ajorlauartumik 2022-mi angunngitsooraluarlutigu, anguniakkatsitut suliniutiginer ingerlatiinnassavarput.


2023-mi peqquserlutarneq akiorniarlugu suliniuteqarnitta ingerlateqqinnissaanut qilanaarpugut.

*Inussiarnersumik Inuullaqqusilluta*

*Transparency International Greenlandimi Siulersuisut*

*Karen Heilmann Lennert, Anita Hoffer,  
Christian P. Jerimiassen, Inuk Lundblad,  
Martina Sommer, Simone Bruun*

**IACC22. Transparency Internationalimik  
pilersitsinikooq Peter Eigen tamat oqartussaatitaanerannik oqalugiaateqarnermini Ukraine pillugu minutsi ataaseq  
nipaallisimaartitsisoq**



# AQUTSISUT NALUNAARUSIAAT

## SAMMMISAT PINGAARNERIT

Tranparency International Greenland (TIG) kajumissuseq tunngavigalugu sulliviuvooq, Kalaallit Nunaanni peqquserluttarneq akiorniarlugu sullissivittut immikkoortortaqarfik Nunarsuaq tamakkerlugu ingerlassiviup Transparency Internationalip ataani inissisimasoq (Immikkoortatut). TIG Transparency Internationalimit 2022-mi akuerisaqqipoq taa-maalilluni immikkoortatut ingerlaqqissinnaanngorluni.

Peqatigiiffiup siunertaraa, peqquserluttarnermik akiuinisan, nunap iluanu nunarsuullu sinnerani, tamanna ingerlavooq Transparency International, sulegatigalugu. Peqquserluttarneq nassuiarlugu imaappoq pissaanermik tunniunne-qarsimasumik atornerluineq/peqquersaarneq nammineq iluanaaruteqarusunnermik siunertalimmik. Peqatigiiffiup peqquserluttarneq akiorniarlugu uku inassutigai qullersarfiinni tamat malinnaaffigisinnaasaannik ingerlariuseqalernissaq, suliffeqarfinni ammasumik ingerlariuseqartoqas-sasoq kiisalu sutigut tamatigut ataatsimut isigalugu inuiaqatigiinni akimut ersarissaasoqartassasoq peqquserluttarnerlu taassumalu kingunerluutigisinnaasai pillugit taamat-taaq inuiaqatigiinni qaammarsaasoqartassasoq.

Peqatigiiffippuit pisussaaffilernikuuvooq Transparency Internationalip maleruaqqusutaanik malinnaassalluni, inatsise-qarneranut, allaffisornikkut ingerlariusannut il. il. Namminersortuuppata pisortatigut ingerlatsiviuppata periusaasigut

alapernaaserfigalugit peqquserluffiuersut imaluunniit peq-quserlunnermut akiuinersut sangiiffeqarsimappata sangiiffiinik oqaluttuullugit pitsannguutaasinnaasunillu siuner-suuteqarfigalugit.

## SAMMISATIGUT ANINGAASAQARNIKKULLU INERIARTUUTIT

Ukiumoortumik naatsorsueqqissarnermi inernerit malillugit 96.026 koruuninik amigartoorteqarpooq siornamut ilua-naarutitsinnut 89.857 koruuninut amigartoorteqarpoot. Peqatigiiffiup aningaasaqarnera, ilaasortat akiliutaannik kiisalu aningaasaateqarfinnit tapiissutinit ingerlasuuvooq. GrønlandsBankip Inuussutissarsiornermut Aningaasaateqarfia 50.000 kr.-nik tapiissuteqarnikuuvooq sammisassianut pilersaarusiukkanut allaffisornermullu ingerlatsinermut siu-nertalikkanik taava aamma Tips- og Lotto siunertanut taak-kununnga 90.000 kr.-nik tapiissuteqarluni.

Sammisagut annertupput eqqarsaatigaanni imaammat siulersuisut akissarsinertaqanngitsumik kajumissutsimikkut sullissinerisigut ingerlassaasarmata. Allaffipput akilimmik sap.ak.-nut akunnerit 15-t sulisoqartarpugut. TIG-p perius-siaan 2030-mi, maleruaqqusutit "Holding Power to Accountimiittut" malillugit suliaavoq.

TIG-p 2022-mi tusarniaanerit arfineq-pingasut akissute-qaateqarfiginikuuai.



# UKIUMOORTUMIK NALUNAARUSIAQ

## PERIUSISSIAQ

Siulersuisut pimoorussassamissut qitiliullugit 2021-2025-mut anguniagassavitik arfinillit aaliangersaateqarnikuupput ima qlequtserlugit *Transparency International Greenlandip akimut ersarissaanissat pillugit, pissaanermik atornerluineq peqquserluttarnerlu akiorniarlugit oqalliffinni, nipi pingaaru-tilik ersarissoq atorlugu peqataasarnermigut, inissismaffini nukittorsarniarpaa*. Periusssiaq link<sup>1</sup> aqqutigalugu nassaa-rineqarsinnaavoq.

## STRATEGISKE MÅLSÆTNINGER FOR 2021-25

1. alapernaasertussaq
2. ilusilfersuinernut suliallu ingerlanneqarnerinut sunniateqqaqataasinnaaneq
3. ilisimasanik katersaateqarfik
4. kattuffik attaveqaqatigiinnikkut erseqqisoq
5. nunatta iluani peqquserluutaasimasunik ilisimasanik siammarterineq
6. aningaasatigut isumannaatsumik toqqammaveqarneq

## AKUERSAARNEQAQQINNEQ

Transparency International 100-t sinnerlugit immikkoortortaqarpoq, taakkulu tamakkerlutik sulissutigivaat akimut ersarissaannissap annertusaavigineqarnissaa peqquserluttarnerullu akiorneqarnissaa. Sulinerup pitsaanerpaaffimminittuarnissaa qulakkeerumallugu kattufferujussullu innarlerniarneqannnginnissaa attakkumallugu, nunani immikkoortortaqarfilt tamakkerlutik ukiut pingasukkaarlugit misissuiffigineqartarput. Misissuinermi nassaartoqannngippat, naliler-suuteqartoqareernerani immikkoortortaqarfik akuersaane-qaqqissaaq.

2022-mi Transparency International Greenland nalilorsorteqqinnissaminut tullinnguuppoq. Misissuiffigineqarnermut ilaavoq TIG-p nalunaarsuusiorsimanissaa, kattuffiup male-ruaqqussutaanik, malinnissimanerluni sammisassatigullu sunik ingerlatsisarsimanerlutik saqqummiutussaallugu. Aammattaaq TIG-p politikkikut attuumassuteqaratik aningaasannannissamullu soqutigisatigut tunngavilersuuteqaratik, uppernarsartussaasimavaat.

TIG isornarsinnaasunik nassaarfingineqanngilaq taamaalilluni ingerlaqqeriarnissaminut akuerisaqqilluni. Taanna akuersissut nalitoorujussuovoq pitsaassutsimut uppernarsaataa-

gami, TIG-lu kattuffiup naleqartitaanut tunngavissiaanillu maleruuttuuneranut uppernarsaataavortaaq.



## SULIAT NAAMMASSISAT/TUSAGASSIUUTITIGULLU NALUNAARUSIAT

Tusagassiuutitigut nalunaarusiat tamakkerlugit nittartakkakut transparency.gl -kut takuneqarsinnaapput

- **April:** Assiimmik pineqarneqarneq Naalakkersuisumullunniit toqqaannaq sianersinnaasunut ilaagulaaraanni ilaangikkaluaraanniluunniit. Aalisagartassanik aggaassinermut tunngatillugu.
- **Juni:** Nuummi inissialiamut tunngasoq
- **August:** Ingerlatsivinni siulersuisuusartut. Akimut ersarissaasoqarternerunissaa ujartorneqarpoq.
- **Oktober:** Inuaqtiginni whistleblowerit atorfissaqartinneqarput.

## FACEBOOKIKKUT SAMMISAT/OQALLISSAARUTIGINILLIT

- **Februar:** Suliffeqarfinnut pissaanermik atornerluisarnermut akiuniarnissamat kinguaassiutitigullu kannuttautuoltarnernut qanoq akiuniarsinnaanissamat kusanartunik siunnersuuteqarneq.
- **April:** Naalakkersuisut akuersissutinik samminnittariaasaannik sularinnittariaasaannillu isornartorsiuffigalugit.
- **Maj:** Partiinut aningaasanik tunissutaasartutigut akimut ersarissaasoqarnissaanut pisariaqartitsineq.
- **Juni:** Inissiaegegarnerup tungaatigut misissueqqissaartogarnissaanik pisariaqartitsineq
- **September:** Akuerisaqqittarneq
- **September:** Kalaallit oqaatsigut sallitutinneqassapput

<sup>1</sup> <https://www.transparency.org/bestyrelsen>

- **Oktober:** Inuiaqatigiit whistleblowereqartoqarnissaanik pisariaqartitsipput
- **Oktober:** Folketingemut qinersisoqarnerani taasiartornissamut kajummissaaruteqarneq
- **November:** Peqquserluttarneq akiorniarlugu lsumaqtigiissusiaq kiisalu peqquserluttarneq akiorniarlugu periusssiaq
- **November:** AMM, Transparency Internationalimi Ataatsimeersuartoqarnera
- **November:** Islandimi annertuumik peqquserlunnikkut kusanaatsuliornerujussuaq "Fishroot-sagen"
- **December:** whistleblowerinut tunngatillugu inatsisiliornialikkersaartut
- **December:** IACC22 ataatsimiitsineq

#### **ATAATSIMIINNERIT/SAQQUMMIUSSINERILLU**

- Canadap Ambassadeqarfia Københavnimiittooq, Simeon MaKay.
- US Embassy, Leyth Swidan
- Workshop-eritsineq Fullbright University-mit Nasiffim-millu aaqqissuussaq, tassani oqallisaasussaalluni, nun-nami najugaqarfinni innuttaasut qanoq illiglit nunarsuaq tamakkerlugumi sillimaniarneq pillugu politikkik-kut aaliangersagassatigut, akuutinniarneqartarsinnaa-nersut.
- Transparency Junimi Folketingemi ilaasortanit arfini-linnit tikeraarteqarpoo Rigsombudsmandip peqataaffi-gisaanik, tassani peqatigifflup suliani anguniakkani lu saqqummiippai.
- Innarluttilit ataatsimiisinneqarput naligiisitaanissaq pillugu
- Arctic Parliamentarians Summit ingerlanneqarpoo septemberip ulluisa aqqarnganni aqqaneq-aappaannilu
- Ilaasortat ataatsimiitinneqarput. Kinguassiutitigut kannguttaatsuliortarneq (Sextortion) oqallissaarutaalluni – pissaanermik atornerluisoqarluni killissamik qaangi-isoqartarnera queleqtaalluni. Tamaani taamaattoqarpa taamaattoqarpammi qanoq iliuuseqarfingisinaavarput?
- TIG-mi siulittaasorput, GrønlandsBANKEN-p aqutsisoqarfiani pisortaq Carsten Th. Pedersen kiisalu Naligiisitaaner-mut Naalakkersuisoq Naaja H. Nathanielsen oqallissaarutinik saqqummiipput.



Ilaasortanit marts 2022 ataatsimiitsineq. Naalak-kersuisup Naaja H. Nathanielsen-p pissaaneq pillugu oqallissaarusiani saqqummiukkaa.

#### **WHISTLEBLOWER**

Ukiaanerani ataatsimiittoqarnerani aaliangersaasoqarpooq, inatsisissamik whistleblowerinut illersuutaasussamik, pilersitsisoqassasoq. TIG-p ukiorpanngortuni inassutigeqattaar-tarnikuua kaammattutigalugulu taamaattumik pilersitsi-soqarnissaa. Inatsisissamik siunnersuuteqartoqarnissaata tungaanut malinnaavugut oqaaseqaateqarfingisarlugulu aammaataaq Transparency International Greenland-p siun-nersuutip akuersaerneqareernerani inatsimmik pilersitsiso-qarnissaanut ilusilersuinikkut sinaakkusorsorneqarnissaata tungaatigut, ikuutaasinnaanini nereroorutiginikuua.

#### **TI-ISLAND**

Oktobiqa qammataagaa Transparency International Iceland-imiik tikeraarteqarpugut.

Islandimi immikkoortortaq TO Iceland nutaatut aallarterlaa-tut kissaatigisimavaat misilitakkatsigut malinnaaffigerusul-luta.

Allaffissornermikkut pisortaat Thor Fanndal llimmarfimmi tusagassiorungorniat saqqummiiffigai, ilaasortatsinnillu ataatsimeeqateqarnitsinni Islandimi killifimmennik oqal-tuupaatigut. Sulisisitsut, SIK, Aningasaqarnermut Naalak-kersuisorlu ataatsimeeqatigineqarput.



Folketingimut llaasortanik  
pulaarteqarneq



## NUNANIK AVANNARLENIK SULEQATEQARNEQ

Kalaallit Nunaanni, Islandimi, Norgemi, Qallunaat-Nunaanni Sverigemilu TI immikkoortortaqaarfiit atortorissaarutit aqqutigalugit November qaammat ataatsimiinnertut oqaloqatigiipput, tassanilu aaliangersaateqarput siunissami ukiumut sisamararlutik oqaloqatigiittarniarlukit illuatungeriaamik imminnut tapersersuuteqarlutillu isummassarsioqatigiittarniarlukit.

Tigussaasumik ukiaq ataatsimoorussamik atsioqatigiillutik tusagassiuutitigut nalunaaruteqaqatigiipput, Islandimi aalis-arnermi ingerlatseqatigiiffinniit Namibiamut<sup>2</sup> peqquserluutit nalillit utertitsinnejarnissaannik piumasaqaateqarlutik.

## INTERNATIONAL ANTI-CORRUPTION CONFERENCE (IACC)

IACC 22 Washingtonimi juullip qaammata 2022 aallartikkaa ingerlanneqarpooq. Ataatsimeersuartitsinermi inuit 2.000-t sinnerlugit nunarsuaq tamakkerlugumiik suleqatigiippassullutik naapeqatigiipput. TIG'minngaanniik siulersuisunut ilaasortat marluk peqataapput Christian P. Jeremiassen Simone Bruunilu.

Ataatsimeersuarneq nunarsuarmi peqquserluttarneq akioriarlugu suleqatigiinnermi naapeqatigiiffiit annersaraat. Tas-sanimi katarsorneqartarpuit Nunani naalakkersuisut, inuin-naat, suliffeqarfiiit pisortaat, nunarsuaq tamakkerlugumiillu tusagassiortpassuit, ataasiinnarmik siunertaqarlukit naapittut, tassalu peqquserluttarnernik unitsitsiniaanissartik. Ukioq manna qulequtaavoq: Peqquserluttarnerit nungullik tamat naleqartitaat illorsorneqarlik.

Ataatsimeersuarneq naggaserlugu Washington Deklaration/Nalunaarut pilersinneqarpooq<sup>3</sup>. Taassuma imarai anguniagas-saaluit, uannga naggaserneqarluni 'Sunaluunniit iluatsissappat ataatsimoorluni iliuuseqarfiusimasariaqarpooq. Peqquserluttarnermut akiuiniarlukit sullisserusuttunut sapiitsunut sulerusussusilinnullu aporfissamik toraagassaqanngilaq qunu-galugu uniinnartitsisinnaasumik'. Ataatsimoorluta saperata ajugaajumaarpugut.'

TIG-p aallartitaasa ataatsimeersuarneq IACC-tut ittoq naliliifigaaq nunarsuarmi suliassanik takujuminartunngorlugit ersa-riissaavittut, Suleqatigiinnermik nukittuunngortitsisarpooq ilisi-masanillu nutaanik tunisiinnarani kaammattuuterujussuuvoq. Ukuli immikkut pissarsiaqataarujuussuarput:

- Ataatsimeersuarnermi nunarsuaq tamakkerlugumiik suleqatigisinjaasaniq pissarsiassaqarfiivoq. Kiisalu periarfisseeqqippoq TIG-mi immikkoortortaqaarfiit

attavigeriiKKanut suli nukittunerusumik suleqatigiin-nissamik ammaassigami.

- Ilinniarfinnik suleqateqarsinnaanissamut isumas-sarsitsippu taakkulu aqqutigalugit kalaallinut inu-iaqatigiinnut peqquserluttarneq pillugu ilisimasassa-nik akiorneqarsinnaanissaannullu paassisutissanik tuniorarsinnaassalluta.
- Nunasisunut assigiisitsinissarpuit qanoq illilluta qulakkeerniarsinnaavarput?
- Whistleblowereqarnissamut suliamik ingerlatitseq-qinnissatsinnut isumassarsineq.
- Ukrainiani sorsunneq eqeersitsivoq, tamat oqartussaanerata qanoq qajannartigisinjaanera uppernarsineqarmat.
- Aningaasat tigoqquaanngitsut, qanoq-illilluta tamanut iluaqutaasinjaasussanut atorniarsinnaavagut?
- Nunanut sumulluunniit atanngitsuni tusagassiortut nunarsuaq tamakkerlugu unamminartorsiutaat.
- Peqquserluttarneq pillugu isiginnaagassiaq piviusuler-saarut.



*Transparency Internationalip aallarniisua Peter Eigen Christian P. Jeremiassen Simone Bruunliu peqatigalugit*

## SAAFFIGINNISSTUTIT

TIG-p misigisimavaa saaffiginnissutaasartut amerliartorneri. TIG nukissaqanngilaq suliassanik tigooqqaanissaminut inunnilluunniit ataasiakkaanik ikuisinjaanissaminut. Inuk pillugu paassisutisanut inatsit pillugu TIG-p saaffiginnissu-taasartut tamakkunuunatigut toqqortaatigisinjaasangilaat, aammalumi saaffiginnittunut tamanna paassisutissiissutigisarlu. Suliakkiukkusutaagaluup sumut tunngasuunera apeqquataillugu innersuussutteqarfisarpagut sumut saaf-figinnissutigissaneraat, ass. ombudsmandimuusinjaavoq, politiinuusinjaavoq imaluunniilli inatsisitigut ikuisarfimmum. Siulersuisut/allaffeqarfik saaffiginnittut ataasiakkaat naapeqatigisarnikuaat, Naapeqatigiinneq siunertaligaasarpooq peqatigiiffitta siunissami suleriuserisinjaasassaanut inner-suussutigisinjaasaannik pissarsiqaateqarfiumallugit.

<sup>2</sup> [www.transparency.org/publikationer](http://www.transparency.org/publikationer)

<sup>3</sup> [iaccseries.org](http://iaccseries.org)

## **NAMMINERSORLUTIK OQARTUSSAT INGERLATSEQATIGIIFIINI SIULERSUISUUSARTUT**

Ukiuni kingullerni aqqanilinngortuni Transparency International Greenland ujartuiffigivaa, Namminersorlutik Oqartussat ingerlatseqatigiifiini siulersuisunut ilaasortassanik toq-qartuinerit ammasumik periuseqartoqartarsinnaanginnersoq. 2020-mi Namminersorlutik Oqartussat siulersuisunut aqtsisoqarfia nalunaaruteqarpoq siunissami siulersuisunut ilaasortassarsiunerit ammasumik ingerlanneqartalernissaat annertusarneqassasoq, tamannalu n-Board atorlugu pisale-rumaartoq. TIG 2021-mi allagaatinik takunnissinnaatitaa-nermik qinnuteqaateqareernermigut, paasisimavaa, atorto-rissaarut taanna 2021-mi ataatsimeersuarnissat sioqqullu-git atorneqarsimanngitsoq. Taassuma kingunerisaanik TIG tusagassiuutitigut nalunaarusiorpoq pisoq pillugu, erseqqis-saatigaa minnepaatut, Siulittaasusup Naalakkersuisoqarfianit nalunaaruteqarsimasariaqaraluartoq. TIG aamma-loorluni 2022-mi ujartueqqippoq ammasumik ersarissumik ingerlariuseqartoqartarnissaanik aammalumi suli malersoq-qikkusuppa a siulersuisunut ilaasortassaanik toqqartuisar-nertigut ammasumik ingerlasoqartassasoq.

### **FACEBOOK**

Peqatigiiffik facebookikkut 1600-nik malitseqarpoq, 3400-mik isorartussusilimmik. TIG-p tassuna saqqummiussani aallaavittut kalaallisullu qallunaatullu allattarpai. Ataasiak-kaannguit Transparency Internationalinngaanneersut ikkun-neqartarput, taakkuli kisianni kalaallisuuungortinneqarneq ajorput. Tusagassiuutitigut nalunaarutit, nalunaarusiat nu-taat peqatigiiffillu pillugit allaaserisat aamma facebookikkut saqqummiunneqartarput. TIG-p saqqummiussai amerlasuut del-erneqartarput. Inuppaaluit aamma messengeri atorlugu TIG-mut attaveqartarput.

### **NORDIC BUSINESS ETHICS SURVEY**

Tips aamma Lottopuljemik tapiissutisiniitsinni periarfissaqa-lerluta suliffeqarfinni ilaasortatnut spørgeskemanik aggu-aassivugut "Nordic Business Ethics Survey" mit suliarine-qarsimasunik. Kinaassutsimik isertuinertaqarmat ajorluartumik taamaallaat suliffeqarfinnut 100-sinnerlugit suli-suutilinnuinaq peqataatitaqarsinnaalluta. Spørgeskema kalaallisuumut qallunaatumullu nutserneqarpoq. Attave-qaqatigiinneq suliffeqarfiup Nordic Business Ethicsip sulif-feqarfillu peqataasup akunneranni taamaallaat toqqaannaq ingerlanneqarluni.

Assigiinngiaartunik peqquiteqarlutik suliffeqarfii arlallit peqataarusukkunnaarmata pingasuinnaat peqataapput.

Inerniliussat tamakkiisumik naammassinermi suliffeqarfintun pineqartunut nassiuunneqareersimalermata TIG ataatsimut nalunaarusiamik tigusaqarpoq. Suliffeqarfimmuit ilaasortat september 2022 qaaqquneqarput inaarutaasunik saqqummiisoqassammat. Ajoraluartumik soqtiginninneq killeqarsimavoq aaqqissuussineq piviusunngunngitsoortil-lugu.

Aajuku inaarutaasut ilaat:

- Apeqqarissaarfigineqartut 52%-tiisa "Ataqqinninneq assigiimmillu pineqarneq" pingaarnertut toqqarsimavaat sulineq – 5%-tiinnaat toqqarsimavaat "akissarsineq pitsaaqtillu"
- Illeqorissaarnissamut tunngatillugu apeqqummi Kalaal-lit Nunaanni illeqorluuteqarneq misigkulaneqanngin-nerusimavoq Nunani Avannarlerni nunat sinnerini misissuinermi akissutaasarsimasunut sanilliukkaanni.
- Naliginnaanerusutut maluginiakkat ukuusimapput pisortaranik aqtsillaqqinngitsunik ingerlatsinerlitor-tunik illersuiniarneq kiisalu ilinniartinneqarnani nammi-neersuuteqartariaqartarneq
- Pingasuugaangata ataaseq misigisaqartarsimavoq pi-sortat pisusilersuuteqartut, suliffeqarfiiup immikkoorit-sequsaannginnermut ikkatiginneqquaannginnermut maleruaqqussutaannut, uniuuttumik.
- Apersorneqartut 27%-tiisa apeqqut pissusiluttoqar-tillugu akuliussinnaanermut tunngasoq akisimavaat. "Uanga suliassarinngilara" imaluunniit "allanngorto-qarunnangnilaq"-mik amerlanerit akisarsimallutik.
- Kinguaassiutitigut kannguttaatsuliorternernut: 2%-t misiginkuuata, 12% arlalialoriarlutik 5%-iisa arlalis-suararlutik misigisarsimavaat.

Nalunaarusiaq tamakkiisoq nittartakkatsinnut iserluni takuneqarsinnaavoq. Iserfissaq: [www.transparency.gl/  
wp-content/uploads/NBE-Survey-Greenland-report-2022.pdf](http://www.transparency.gl/wp-content/uploads/NBE-Survey-Greenland-report-2022.pdf)



## KATTUFFIK

### Siulersuisut katitigaanerat

2022-mi ataatsimeersuarnermi nutaamik siulersuisut inuttaqalerput: Karen Heilmann Lennert siulittaasunngorpoq Anita Hoffer tullersortaliullugu. Ilaasortanngorput Christian P. Jerimiassen, Sofia Geisler, Martina Sommer kiisalu Simone Bruun. Inuk Lundblad kingoraartissatut qinigaavoq,



*Siulersuisut, juli 2022*

Siulersuisuni ilaasortaq Sofia Geisler juni naasoq animmat Inuk Lundblad-p taarserpaa.

Siulersuisut marlunnik immikkut ilisimasalinnik ilaasortaatitaqarput, qinerseqataasinnaanngitsunik; Anne Mette Erlandsson kiisalu Thomas Trier Hansen.

Ilaasortagut marluk Nuup avataani najugaliummata team-møde-tut naapeqatigiittarnerput iluarsinkuuarput. Taman-nalu periuseq tamatta iluarisimaarparput.

2022-p naanerani Transparency International Greenlandimi ilaasortagut ima amerlatigippu: Inuinnaat 47-t suliffeqar-fit 24-t.

### SULIFFEQARFIIT ILUNI WHISTLEBLOWEREQARNISSAQ INNARLIISARNERMULLU POLITIKKEQARNISSAQ

Siulersuisut aaliangernikuupput, innarligaasimanermut naammagittaalliuutnik tigooqqaasinnaanissamut allaffeqarfimili siulersuisut inuttaannut/atorfilittanullu tunngatillugu whistleblowereqalernissamut politikkissamik, sanarusullutik. Periuserissavarput naammigittaalliuutit ileqqorissaarnermut komitemut ingerlateqqillugit tunniussisullu kinaassusaa isertuukkumallugu una maileq [ethic@transparency.gl](mailto:ethic@transparency.gl) pilersillutigu.

Naammagittaalliuuteqarnissamut ilitsersuut uunga iserluni aaneqarsinnaavoq [www.transparency.gl/wp-content/uploads/TIG-klagevejledning-.pdf](http://www.transparency.gl/wp-content/uploads/TIG-klagevejledning-.pdf)

## ILEQQORISSAARNERMUT KOMITEP ILAASORTAI

Thomas Trier Hansen, siulittaasooq, Simone Bruun siulersu-unit aallartiitaq, Birgit Niclasen, ilaasortat qinigaat.

### ANINGAASAQARNEQ

Peqatigiffik ukiut ingerlanerini aningaasatigut isumannaatsumik toqqammaveqarnikuuvooq. Tips & Lotto ukiumoortumik ingerlatsinermut 90.000 kr.-ninik tapiissuteqartarpooq. Ilaasortat akiliutaat aalaakkaasumik suli 100.000 kr. mis-sarpiaaniipput. GrønlandsBANKIP Inuussutissarsiornermut aningaasaateqarfia ukiut ingerlanerini aningaasaliisartutut pingaarnertut inissismavoq, 2022-milu 50.000 kr.-ninik ingerlatsinermut pilersaarusrorlugillu sammisassianut tapiissuteqarlungi. Pilersaarusrorlugit sammisassiarpassuarnut ingerlannikuusatsinnut Tips & Lottop aningaasat tapiissutisartagai annertunersaanikuupput.

2023-mut GrønlandsBANKENip Inuussutissarsiornermut aningaasaateqarfia nalunaarpoq 75.000 kr.-ninik tunissutegassalluni.

Ulluinnarni aqutsisoqarfeqarnissarput pisariaqarpoq, aam-mattaaq nammineerluta uninngasuuteqarnissarput pisariaqarlungi, aningaasaateqarfinnut qinnuteqaateqarnermi. Siulersuisut ilinniartunik ataatsimik marlunnillunniit ikiorteqar-rusuttarput, pissaqartilluta, aningaasat pigisat apeqquata-tillugit. Sutigut tamatigut sipaarniartuuvugut, siulersuisut aningaasaqarneq isumakuluutigisarpaat, siunissaq ungasinerusoq eqqarsaatigalugu taamaammat isertitaqaataasin-naasussanik nutaanik ujarlernertik ingerlatiinnarpaat.

### ANINGAASAATEQARFIIT TAPISSUTILLU

- GrønlandsBANKENp Inuussutissarsiornermut aningaasaateqarfianiik; 50.000 kr Allaffisornermut pilersaarusrorlugillu sammisassianut tapiissutit.
- Tips & Lotto Pulje C; 90.000 kr. allaffisornermut tapiissutit, inimik attartorneq ilaalluni.
- Tips & Lotto Pulje C; 8.659 kr.-ninik pilersaarusrorlugillu Islandimiik tikeraarteqarnissamut tapiissutit
- Tips & Lotto Pulje C; IACC22-mut peqataanissamut 65.000 kr.-ninik tapiissuteqarneq
- GA; naatsorsuutnik allattuinermi ikiortaaneq
- Tumi Consulting; inimik ataatsimiiffiusinnaasumik akeqanngitsumik periarfissineq
- Offset Nuuk; visitkortinik naqiterititsineq
- Kommuneqarfik Sermersooq; ataatsimeersuartoqarnerani oqalutseqarneq

## NUNARSUAQ TAMAKKERLU ATUUTTUMIK PEQQUSERLUTTARNERMUT AKIUNIAQATIIFFIK

Transparency Internationalip anguniagaraa qulakkiissallugu silarsuaq tamakkerlugu, naalakkersuisuuppata, politikkipat, inuussutissarsiornermut ingerlatsiviuppat, innuttat akornaniippat inuillu ulluinnaanniippat, tamagitsigut peqquserluttoqartannginnissa tamannalu anguniarniarpaat aki-mut ersarissaasarnissamik, akisussaaffeqarnissamik innar-liinnginnissamik saqqummiussaqqaartarnikkut oqari-artuuteqaqattaartarnikkullu, kikkunnut tamanut piffinnut tamanut siammerterinermigut. Kattuffik nunarsuaq tamakkerlugu 100 sinnerlugit immikkoortortaqarpoq, Berlinimi allaffissuaqarluni quillersaqarfiusumik. TI peqquserluuter-passuarnik uppernarsaasarpooq ajornartorsiutaaneranillu nittarsaassilluni Naalakkersuisunik, inuussutissarsiornerullu iluani ingerlassalinnik inuiaqatigiinnilu innuttaasunik sule-qateqartarluni, periutsinik atuutsitsiniaasuuulluni, peqquser-luttarnermut akiutaasinmaasunik innersuussuteqartarluni.

Nunani immikkoortortat najugaqarfinni kattufinnut sumul-luunniit attuumassuteqaratik suliniaqatigiiffiupput, nunagi-saminni ingerlatsillutik nunarsuup sinneranut TI attaveqati-galugu. Immikkoortortaqarfiiit tamarmik siulersuisuutitaqar-tarput, ilaasortaqlutik, periutsitigut maleruagassaqarlutik nammineerlutilu arningaasaqarnertik aquttussaasrlugu, Berlinimi TI-p quillersaqarfiaita ilisimasaminnik sakkussanillu tuniorartarpaat (soorlu Corruption Perception Index, Global Corruption Barometer, NIS-metoden il.il.), kisianni sammis-aqartitsinissartaa arningaasaliiffigisinhaanngilaat. Quller-saarfiup allaffeqarfissuata ukiumoortumik aaqqissuutarpai-piffinni nunarsuaq tamakkerlugu ataatsimeeqatigiinnissat,

tamakkunani immikkoortortaqarfiiit misilitakkaminnik avit-seqatigiittarput, suleqatigisinnaasaminnik nassaartarput, ilisimatusarnikkullu angusat kingulliit avitseqatigiiffigisar-paat, suliniut angusat IT-p iluani tamakiisutigut ingerlasu-mik.

Transparency International Greenland (TIG) aaqqissussine-rup taassuma ataaniipput TI-milu anguniakkanik taperser-suisuulluni.

2030-periusissia *Holding Power to Account* ukiumoortumik ulluni pingasuni ingerlassami atortorissaarutitigut ataatsi-miissutigineqartapoq atuutsinniarneranut malitseqartisiner-tut.

Ukiumoortumik ataatsimeersuarnermi pingasunik aalianger-sakkatigut isumaqatigiissusiorqarpoq:

1. Ruslandip Ukrainemut sorsunnerata naapertuitinngit-sup peqqaarnitsullu asissornissa nunanilu aquttuusar-tut imminnuinnaq iluanaartinniarlutik inuiaqatigiit isig-i-niaqqaarnagit ingerlariusillit akersuuffiginissaat sulias-sanut siullinguutsillugit.
2. Transparency International (IT)-p EITI-mi (Piaanikkut suliniuteqarfinni pissutsinik ersarissumik ingerlariuse-qalernissaq) suliniuteqarfimmut akuunerata nukitor-saaviginissa.
3. Nunat akimorlugit peqquserluuteqartarnernut sorsuute-qarneq. Ingerlatseriaatsit pioreersut pissusissamisoortumik ingerlalernissaat anguniarlugu. Innuttanik akuit-t sineq.

*Thor Fanndal tusagassiortunngornianut saqqummiussisoq*



*Karen Inullu USA-p aallartitaqarfianeersoq  
Leyth Swidan peqatigalugu*



